

DECRETA

CONGREGATIONIS

GENERALIS

XIII.



Vm R.P.N. Carolus
de Noyelle die 12.
Decembris 1686,
administratae Socie-
tatis Anno Quinto
excessisset è viuis,
ex eiusdem nominatione renun-
ciatus est Vicarius Generalis, R.
P. Dominicus Maria de Marinis
Assistens Italiae. Hic verò de PP.
Assistentium consilio Congrega-
tionem Generalem indixit in diem
21. Iunij 1687. B. Aloysio Gonza-
gae Sacrum; quo ipso ex Prouin-
A cijs

Occasio Cō-
gregationis:

2 *Decreta Congregationis*
cijs Romæ adfuerunt omnes Eu-
ropæ Prouinciales, aut pro his
Vice Prouinciales, cæterique Ele-
ctores omnes, datumque est po-
stridie principium Congregationi.

Dec. I. in MS. Act. 4.

Electio Præ-
positi Gene-
ralis,

Die 6. Iulij, quæ fuit Domini-
ca 7. à Pentecoste, observa-
tis ritè omnibus, quæ Constitu-
tionibus, & formula Congregatio-
nis Generalis præscribuntur, plus-
quam dimidia parte omnium suf-
fragiorum, Tertio Scrutinio, ele-
ctus est in Præpositum Generalem
R. P. Thyrsus Gonzalez, Elector
Prouinciæ Castellanae: moxque
confectum, ac promulgatum est
à Patre Vicario super eà re decre-
tum ex præscripto formulæ.

Dec.

Dec. II. in MS. Act. 5.

CUm quæsiuisset Præpositus Generalis, num essent illico ad Congregationem vocandi, P. Ioannes Andreas Serra Procurator Generalis, & P. Iacobus Maffius Secretarius Societatis, & quibusdam placuisset, illico vocandos esse, si illico de negotijs esset tractandum; secus verò, si ad electiones Secretarij Congregationis, & Deputatorum illico esset procedendum, multò plures censuerunt, & formulæ Congregationis Generalis, & Decreto II. Congregationis IV. conformius esse, eos ad omnia, adeoque etiam ad Electiones admitti, præterquam ad Electionem Assistentium.

Vocati ad Congregationem P. Procur. Generalis, & P. Secretarius Societatis.

Dec. III. in MS. Act. 8.

Die 13. Julij, qui erat postremus quatruidui indicti acci-

Electio Assistentium, & Admonitoris.

A 2

prien-

ris.

4 *Decreta Congregationis*
piendis informationibus ad Ele-
ctionem Assistentium, & Admoni-
toris, plusquam dimidia parte
suffragiorū secretorum electi sunt
Assistentes, pro Italia P. Iulius Bal-
bus Elector Prouinciæ Mediola-
nensis, secundo Scutrinio: pro
Germania P. Eusebius Truchses
Rector Monachiensis secundo iti-
dem Scrutinio: At verò primo
Scrutinio reliqui, simulque in As-
sistentium munere confirmati, P.
Paulus Fontanus pro Gallia, P. Pa-
scasius de Casa Nuova pro Hispa-
nia, P. Antonius de Rego pro Lu-
sitania, qui mox omnes ex præscri-
pto formulæ iuramentum præsti-
terunt.

Simili forma deinde plus-
quam dimidiæ partis suffragijs se-
cretis electus est Admonitor P. Io-
sephus Fotius Vice Præpositus
Domus Professæ Romanæ secundo
Scrutinio.

Dec. IV. in MS. Art. 5. 33. 34.

CVM Pater Alexander Ciceri Procurator Prouinciæ Iaponicæ, etsi haud missus à Congregatione Prouinciæ plena, aut abbreviata, admissus esset in Congregationem ad omnia, ad quæ admissi erant P. Procurator Generalis, & P. Secretarius Societatis, idque saltem ex quadam æquitate, commendata Patribus Deputatis ad Formulas quæstione de Iure, horum iudicium secuta Congregatio statuit, eiusmodi Procuratores Prouinciarum pari iure gaudere, ac gaudent P. Procurator Generalis, & P. Secretarius Societatis, si vel Vocati essent à Præposito Generali ad tractanda negotia, vel missi à Prouincialibus, cum approbatione Generalis saltem subsecuta missionem ipsorum; præcipuè si ex Prouincijs extra Eu-

Qui Procuratores Prouinciarum, & quale Ius habeant ad Congregationem Generalem; etsi à Prouincijs missi non sint.

6 *Decreta Congregationis*
ropam sitis missi essent.

Cumque esset quaesitum, an
& sufficeret interuenire auctorita-
tem Vicarij Generalis, censuit
Congregatio, id sufficere cum re-
strictione ad Procuratores Pro-
uinciarum extra Europam; acce-
dente etiam iuxta Regulam Vica-
rij 12. iudicio, & suffragatione PP.
Assistentium.

Dec. V. in MS. A. 7. 25. 26. 31.

An ijdem, &
Procurator
Gen. & Se-
cretarius
Soc. ius ha-
beant suffra-
gij passui
in electione
Secretarij
Congr.

DVbitatum fuit, an Procura-
tores Generalis, & Prouin-
ciarum, & Secretarius Societatis,
de quibus §. 60. Formulæ Con-
gregationis Generalis, ius habe-
rent suffragij passui in electione
Secretarij Congregationis, & So-
ciorum, atque etiam Deputato-
rum. Plurimum PP. sententia fuit,
non habere. Cumque postridie
intercessum esset, resque mandata
examine PP. Deputatorum ad Con-

fic.

stit. & Decreta, horum responso
audito, Congregationis pars mul-
to maior censuit, standum esse
Decreto.

Dec. VI. in MS. Act. 22.

Quæsitum fuit, an Vice Pro-
uinciæ ius habeant eligen-
di, & mittendi Procuratorem, qui
iure suo admitti debeat ad nego-
tia in Congregatione Generali, &
quomodo is sit eligendus. Hic
verò Patribus præluxit Canon. 14.
Congregationis III; quo statui-
tur, vt Procurator Sardinia, quam
diù hæc erit Vice Prouincia, sine
Congregatione Prouinciali possit
venire ad Congregationem Gene-
ralem, & ad alia ius habere, præ-
terquam ad electionem Generalis,
& Assistentium: eundem autem
Procuratorem eligendum à Vice
Prouinciali, & Consultoribus, ac
Professis 4. Votorum, qui eo in

An, & qui
Procurato-
res Vice
Prouinciarum
Ius habeant
ad negotia
in Congr.
Gen.

8 *Decreta Congregationis*
loco, vbi aderit Vice Prouincia-
lis, fuerint. Placuit verò Patribus
communiter omnibus, ius idem
aut concessum declarari, aut am-
pliatione facta concedi omnibus
ViceProuincijs.

Dec. VII. MS. Act. 9. 13.

'An Cappel-
lani Ord. S.
Ioannis Hie-
rosolymita-
ni habeant
impedim. 3.
Exam. c. 2.

Postulata fuit declaratio De-
creti 129. Congregationis r.
an eo prohiberentur FF. Cappel-
lani Ordinis S. Ioannis Hierosoly-
mitani in Societatem admitti.

Congregatio secuta iudicium
PP. Deputatorum ad huius rei
examen; censuit, illos verè esse
Clericos Religiosos, in Hispania
quidem alijsque locis, etiam Re-
gulari disciplina vtentes, & viuen-
tes communiter; in Melitenfi verò
Insula, & alibi, etsi non viuerent
communiter, verè tamen esse eius-
dem Ordinis, ijsdem Clericalis ha-
bitus insignibus vtentes: quare

ad

ad hos quoque pertinere impedimentum Tertium examinis Cap. 2.

Dec. VIII. in MS. Act. 13. 15. 17.

CVM postulatum esset, vt Congregatio Generalis Societati Vniuersæ diem constitueret infra Octauam omnium Sanctorum, quo memoria celebraretur specialis Defunctorum in Societate, ac primum quidem minus id placuisset; facta dein intercessione argumentis per quam pijs, maior pars Congregationis decernendum iudicauit, vt per Societatem Vniuersam, quotannis commemoratio celebraretur omnium in Societate Defunctorum; adeoque eodieg, qui à commemoratione omnium Fidelium Defunctorum primus occurreret non impeditus, Sacerdotes omnes Sacrum facerent paratu nigro, cæteri verò coronam, seu tertiam Rosarij partem

Anniuerſarium omniũ in Soc. Defunctorum.

70 *Decreta Congregationis*
recitarent pro ijsdem defunctis in
Societate.

Sacrum, &
Corona heb-
domadaria
pro defun-
ctis omni-
bus extra
Prouinciam

Hac occasione mota est quæ-
stio, an Sacrum hebdomadarium,
& Corona Mariana Nostris indi-
cta à Congregatione IIII. Dec. 40.
pro ijs, qui in Societate moriun-
tur extra Prouinciam, persoluën-
da essent pro omnibus extra Pro-
uinciam in Societate defunctis, an
pro ijs solis, qui quaque hebdo-
made proximè elapsa defuncti es-
sent. Placuit prope omnibus De-
cretum verbis non restrictum ac-
cipere indefinitè, & suffragia illa
destinanda esse ad leuamen om-
nium penitus extra Prouinciam
defunctorum in Societate.

Quomodo
ad Profess. 4
Votorū pro
ponēdi, qui
compendio
studuerunt
Philosophiæ
& Theolog.
in saeculo.

Dec. IX. in MS. 167. 36. 37. 38.

CVM dubitatum esset, quo an-
no ad Professionem 4. Voto-
rum proponendi essent; qui ante
ingressum Societatis solo biennio
Phi-

Philosophiæ studuissent cum satisfactione; in ipsa verò Societate quadriennium Theologiæ impendissent: item quo anno, qui ante ingressum Societatis philosophiæ, ac Theologiæ studia cum satisfactione absoluissent, sed minori tempore, quam septennij; censuit Congregatio, priores quidem non nisi anno 15. currente proponendos esse, & catenus pressè inhærendum esse Decreto 42. Congregationis IX. At verò posteriores, non nisi anno 11. aut 12. currente pro ratione annorum, qui triennio Philosophiæ, aut quadriennio Theologiæ defuissent: neque enim alioqui satis saluari æqualitatem inter nostros ad Professionem 4. Votorum proponendos, quam Congregatio IX. Dec. 42. præfata est se cupere inductam; etsi alioqui annum designauerit 10. currentem, quo ut plurimum contingit, eos proponi debere.

*Dec. X. in MS. Act. 13. 17.*Ordo inter
Professos
eodem die.

Postulata fuit generalis Regula deferendæ Ordinis prærogatiuæ in comitijs nostris vni ex duobus, qui Professionem 4. Votorum fecissent eadem die: auditisque super ea re PP. Deputatis ad Constitutiones, & Decreta, placuit Congregationi dare hanc Regulam ad similes euentus offerendos in futurum dumtaxat.

Ex duobus, qui professionem 4. votorum fecerunt eodem die, ei deferenda est prærogatiua, qui prius expleuit annos Religionis ad Professionem 4. Votorum requisitos. Si ambo eos expleuerint eodem die, præferatur ille, qui diutiùs in Societate vixit. Si ambo ad Societatem, seu Tirocinium venerint eodem die, præferatur maior natu. Si demum, quod vix continget, ambo etiam sint

sint nati eodem die, sorti res committatur à Prouinciali, cuiusque Consultoribus.

Dec. XI. in MS. Act. 14.

Quæsitum fuit, an in casu Dec. 30. Congregationis XII. nominationes Superiorum à defuncto Generali factæ, & litteræ patentes ad mutationem expeditæ, ita amiserint robur suum, vt neque post Congregationem Prouinciæ, neque post Congregationem Generalem, possint mandari executioni. Facile conuenit, non posse mandari executioni ante finem Congregationis Generalis, nisi ex huius consensu.

Sed & plurium Patrum fuit sententia, ne finita quidem Congregatione Generali eas robur habere, sed implorandam esse auctoritatem noui Generalis; qui sine dubio hoc libenter esset daturus

Nominatio
nes Superiorum in casu
Dec. 30. Cō
gregat. XII.
simpliciter
irritæ.

14 *Decreta Congregationis*
Decessori suo, vt eos, quos ille
nominasset, non facile respueret,
ac ne informationes quidem no-
uas requireret, nisi has requirendi
causæ occurrissent nouæ.

Dec. XII, in MS. Act. 227

Vice Pro-
uinciales
Professi 4.
Votorum.

DVbitatum fuit, an Vice Pro-
uinciales omnes esse oportere-
ret Professos 4. Votorum. Con-
stabat ex Decreto 56. Congrega-
tionis IV. Vice Prouinciales in
Europa, Prouincialium demortuo-
rum munere fungentes, donec à
Generali prouideretur, debere esse
Professos 4. Votorum. Idem præ-
sens Congregatio declarandum
censuit de omnibus omnino Vice
Prouincialibus, atque eis in pri-
mis, qui Vice Prouinciarum stabi-
les Præsides essent.

Deci

Dec. XIII. in MS. Aet. 24, 25.

Cum essent generali Congregationi commemorata, & Augustissimi Imperatoris, & Serenissimorum Regum immortalia merita de Societate, omnium Patrum, nemine discrepante, sententia fuit, Societati vniuersæ in præfati Cœtu congregatæ incumbere gratiarum actionem prorsus singularem, scripta ad singulos epistola Generalis Congregationis nomine, ea significatione grati animi, quam postularet tam eximia summi fastigij Principum erga Societatem clementia, beneuolentia, & beneficentia, eiusque obseruantia demonstratione, quæ deberetur eorundem Principum Maiestati, Religioni, ac Pietati, quibus Societati ipsi tanto essent præsidio ad propagationem gloriæ diuinæ.

Decreta gratiarum actio Augustissimo Imperatori, & Serenissimis Regibus.

Dec. XIV. in MS. A. 24.

Decreta gratiarum actio Illustriss. ac Reu. D. Episcopo Malacitano .

Postulabatur quoque, ut quam inchoauerant variarum Pro-
uinciarum Præsides gratiarum
actionem Illustrissimo, ac Re-
uerendissimo Domino Antistiti
Malacitano. F. Idelfonso à S. Tho-
ma Ordinis S. Dominici, eam de-
nique Societas Vniuersa in gene-
rali Congregatione compleret :
hoc enim prorsus esse meritum
Societatis Patronum tam singula-
rem; qui in sua ad Summum Pon-
tificem *Querimonia Catholica* cau-
sam suam cum causa Societatis
tam præclarè coniunxisset, ut ad-
uersus eiusdem obrectatores ni-
hil scribi posset efficacius. Ad hæc
nemo Patrum dubitauit, quin Il-
lustrissimo Antistiti essent agenda
gratiæ amplissimæ, scripta ad ipsum
epistola Congregationis ipsius no-
mine :

Dec.

Decr. XV. in M. S. Act. 28.

Postulatum fuit à Prouincijs duabus, vt Congregatio dispicere dignaretur de modis etiam luculentius inflammandi Nostrorum animos ad studia Scripturæ Sacræ. Re diligenter excussa à Patribus ad studia Deputatis, horum iudicium secuta Congregatio censuit, nunc quidem non esse maturum, vt vna quædam, & generalis ratio, in qua momentum singulare esse possit, præscribatur toti Societati; sed Præposito Generali enixè commendandum, vt cum otio dispiciat, quid cuiusque Prouinciæ mores afferant ad rem utile; tum verò, & cum Prouincialibus deliberet, quid his addi conueniat, curetque in primis, vt Sacræ Scripturæ explanandæ tales Magistri adhibeantur, quales describuntur Regula 5. Pro;

Studium
Scripturæ Sacræ.

B

vinc.

18 *Decreta Congregationis*
uinc. in Rat. Stud. vtque nostro-
rum exercitationes Scholasticæ in
Sacris litteris iusta capiant incre-
menta; denique vt eruditio hæc
Sacra, quæ Societati semper sum-
mo in pretio fuit, eo apud omnes
esse loco pergat, quem meretur,
vt Anima ipsa veræ Theologiæ
summæque necessaria ad ministe-
ria propria Societatis.

Decr. XVI. in M. S. Act. 26.

27. 31. 47.

Studium, &
examen do-
ctrinæ requi-
situm ad Sa-
cerdotium.

Congregatio declarans, & con-
firmans Ordinationem P. N.
Euerardi Mercuriani Ord. Gen.
cap. 7. §. 4. censuit obseruanda
vbique esse sequentia.

I. Illi Nostri Scholastici, qui-
bus, vel ob defectum examinis,
vel ob alias causas, non licet in-
choare, vel ultra primum annum
prosequi cursum Theologiæ Scho-
lasticæ, non promoueantur ad Sa-
cer-

cerdotium, nisi in Schola quapiam Theologiæ moralis tam diù exercitati, donec saltem biennio (etiam longiori tempore, vbi id mos Proinciæ tulerit) Theologiæ ex professo studuerint.

II. Sed neque hi, neque alij nostri ad Sacerdotium promoveantur, nisi saltem mediæ horæ spatio singuli fuerint examinati; idque à quatuor examinadoribus, quo ad fieri poterit; Theologiæ moralis benè peritis, & examinadorum saltem trium iudicio, quod scripto exhiberi oportebit, tantam habeant doctrinam, vt confessiones fructuosè audire possint; in quo grauiter oneratur examinadorum conscientia, vt in re magni momenti ad præcipuam functionem Societatis, & salutem animarum.

III. Si quem contigerit, ex graui causa probata Præposito Generali, ad Sacerdotium promo-

20 *Decreta Congregationis*

veri adhuc immaturum Tribunali Penitentiae, is ad audiendas confessiones non exponatur, nisi expleto tempore ordinario in Schola, & studijs Theologicis, ac dein examinatus, & probatus, vt supra.

IV. Qui verò ad Societatem admittuntur Sacerdotes, hi priusquam exponantur ad audiendas Confessiones, examen idem subire teneantur; ijs solis exceptis, quos Congregatio VII. Decr. 96. statuit sine examine admittendos esse ad Professionem quatuor votorum.

Decr. XVII. in M.S. Act. 26.

27. 31. 47.

Collationes
casuum cō-
scientiae.

Multorum in Congregatione Patrum fuit votum, vt collationes casuum conscientiae in nostris Collegijs, & Domibus quam utilissimè instituerentur. Compertum verò est ipsa Regula
Pro-

Prouincialis 13. in Ratione studiorum omnia contineri, quæ ad plenum vigorem illarum collationum facere possunt; seu frequentiam collationum spectemus, seu collationum Præsidem, seu modum ab ipso in iisdem tenendum, (illum scilicet ipsum, qui Professori casuum conscientia suis Regulis 7. 8. 9. 10. præscribitur) seu denique personas, quas interuenire oportet; qua parte Regulam declarauit Congregatio IX. Decreto 8. Ita vt nihil meritò desiderari possit præter efficacem executionem. De hac igitur locorum Superiores Prouincialibus tempore Visitationum, atque hi Præposito Generali rationem reddere teneantur, quoties de suis visitationibus ex officio scribent; Sed, & Consultoribus incumbat de hac ipsa executione informationes mittere statis scribendi temporibus, non solum ad Pro-

22 *Decreta Congregationis*
uinciales, sed etiam ad Genera-
lem.

Dec. XVIII. in M.S. Act. 45.

46. 47. 48.

Doctrinade
vsu proba-
bilis opinio-
nis.

CVM relatum fuisset ad Con-
gregationem, aliquos in ea
esse persuasione, quod Societas
communibus quasi studiis tuen-
dam sibi sumpsisset eorum Docto-
rum sententiam, qui censent, in-
agendo licitum esse sequi opinio-
nem minus probabilem fauentem
libertati, relicta probabiliore,
stante pro præcepto, declaran-
dum censuit Congregatio, Socie-
tatem, nec prohibuisse, nec pro-
hibere, quo minus contrariam
sententiam tueri possent, quibus
ea magis probaretur.

Decr.

Decr. XIX. in M.S. A.F. 16.

19. 20. 43.

CVm rogata esset Congregatio, vt formulas scribi iuberet iuramenti, quod Congregatio XII. Dec. 24. præstare eos iussit, qui iudicaturi essent de excellentia talenti gubernandi, concionandi &c. quod supplere posset defectum doctrinæ requisitæ ad Professionem quatuor votorum, re commendata Patribus ad studia deputatis, multò maiori parti Congregationis placuit gemina formula ab illis concepta.

Formulae iuramenti de talento gubernandi, & concionandi.

Prima quidem de talento gubernandi hæc ipsa.

Ego N.N. testem inuocans Deum, censeo Patrem N.N. adeo excellens in concionando talentum habere, vt in quibuscumque præcipuis Ecclesijs communi harum Regionum idiomate vtenti-

B 4

bus,

24 *Decreta Congregationis*
bus, videatur posse multa cum
laude, & fructu concionari.

Altera de talento gubernan-
di his verbis.

Ego N.N. ressem inuocans
Deum, censeo Patrem N.N. tam
insigni gubernandi talento prædi-
tum esse, vt cum plena satisfactio-
ne possit regere maiora Collegia,
atque etiam aliquando vniuersam
Prouinciam.

Porro, & censuit maior Con-
gregationis pars, probationes il-
lorum talentorum oportere esse
experimenta ipsa, & specimina
concionandi, & gubernandi; ea-
que non vulgaria, neque modici
temporis; dilata etiam ad eum
finem Professione; si id opus
esset.

Decr. XX. in M. S. Act. 14.

Quæsitum fuit, an si litteræ admissionis ad gradum serius afferantur in Prouinciam, quam vt designato communiter die promoueri possit, qui admittitur, liceat Prouinciali ex Decreto 9. Congregationis XII. alium designare diem, quem iudicauerit proximè opportunum. Ita censuit Congregatio; cum nulla interuenerit culpa promouendi, etsi fortè interuenerit obliuio, aut incuria aliorum; neque præter hæc alia graui causa censuit esse opus.

Declaratio
Dec. 9. Congreg. XII.

Decr. XXI. in M. S. Act. 31.

Quoniam Decreto 33. Congregationis XII. statutum est, vt designatus à Præposito Generali nouus Prouincialis

Declaratio
Dec. 33. Congreg. XII.

lis succedat antiquo, si litteræ quibus designatus est, missæ sint ante indictam Congregationem Generalem, etsi non nisi post indictionem illam peruenerint in Prouinciam, postulatum fuit, vt declararet Congregatio, Decretum esse accipiendum subintellecta conditione, quæ adiecta est Decreto 30. eiusdem Congregationis; nisi ante indictam Congregationem antiquus Prouincialis triennium non expleuisset, & constaret Generalem non voluisse illum ante tempus exauctorare. Hoc ipsum Congregatio maioris claritatis gratia declarandum censuit, ac declarat præsentis Decreto.

Decr. XXII. in M.S. Aet. 31. 21.

CVM obscurior quibusdam videretur. §. 71. formulæ Congregationis Gener. permittit Congregatio, vt in proxima editione locus hic; *Definitores verò ad celeriore negotiorum expeditionem, ad plura medietate Suffragia, sic augetetur: Definitores verò ad celeriore negotiorum expeditionem, an eligendi sint, ad plura medietate suffragia statuatur.*

Declaratio
formulæ
Congregat.
Gen. §. 71.

Ad §. 28. formulæ Congregationis Prouincialis vbi sexto cæterisque scrutinijs iabetur electio fieri ex ijs tribus solis, qui plura alijs suffragia habuerunt, quæsum fuit, an eo casu esset habenda ratio solius proximi scrutiniij. Congregatio secuta iudicium PP. Deputatorum ad formulas, censuit, habendam rationem solius scrutiniij proximi; idque pari
ratio-

Declaratio
formulæ
Congregat.
Prouinc. in
§. 28.

28 *Decreta Congregationis*
ratione, ac in electione Assisten-
tium, §.84. Formulæ Congregatio-
nis Gener. Adeoque dicto §. 28.
ad hæc verba; *Qui plura alijs suf-
fragia habuerunt, addendum esse
in proximo scrutinio.*

Declaratio
form. Cong.
Prouincialis
§. 41.

Ad §. 41. Formulæ Congre-
gationis Prouincialis cum dubita-
tum esset, an Prouinciali se excu-
sante, ne ad Congregationem Ge-
neralem proficisceretur, ab ea de-
liberatione abesse deberet, non
solum Prouincialis, & primus
Substitutus, sed etiam duo priori
loco electi, siue ille ternarius, ex
quo Prouincialis sibi substituere
debet Vice Prouincialem. Plu-
rium sententiâ obtinuit, §.41. for-
mulæ, seu Decreto 52. Congre-
gationis VIII. esse conformius, vt
cum Prouinciali solum excludatur
primo loco substitutus.

Decret. XXIII. in M. S.

Act. 31.

CVM rogata esset Congregatio, vt declararet in Congregatione Prouinciali partes Secretarij impediti suscipiendas esse ab eo, qui per electionem ipsi est adiunctus; tum vero vt definirerit à quo subscribendum esset Actis Congregationis eo euentu. Nullum fuit dubium, quin partes Secretarij impediti suscipere deberet adiunctus. Censuit verò Congregatio, pertinere ad Secretarium actis subscribere, si ad Congregationem redierit in tempore, vt postremæ relectioni, & approbationi omnium Actorum interfuerit; quod si secus acciderit, Actis subscribere debere Secretario impedito quis acta scribat, actisq; subscribat.

cre-


30 *Decreta Congregationis*
cretario Adiunctum, ad nomen
proprium, addito nomine officij,
Prosecretarins.

L A V S D E O.



Imprimatur, si videbitur Reuerendis. Patr.
Mag. Sac. Apost. Pal.

S. I. Menat. Ep. Cyr. Vicesg.



Imprimatur,

Fr. Ioseph Clarionus Sacrae Theologiae Magi-
ster, ac Reuerendis. Pat. Fr. Dominici Mariae
Puteobonelli S. P. Apostolici Magister Soc.
Ord. Prad.

R O M A E,

Ex Typographia Iacobi Antonij de Lazzaris
Varesij .

M. DC. LXXXVIII.

Superiorum permissu.

